

Bosna i Hercegovina
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-SU-22-000756
Sarajevo, 12.09.2022. godine

Na osnovu člana 21. Zakona o namještenicima u organima državne službe u Federaciji Bosne i Hercegovine ("Službene novine Federacije BiH" broj: 49/05) i Odluke Vlade Kantona Sarajevo broj:02-04-31390-17/22 od 18.08.2022.godine, Kantonalni sud u Sarajevu objavljuje:

INTERNI OGLAS

za prijem namještenika u radni odnos na neodređeno vrijeme

RADNA MJESTA:

- 1. Viši referent za ekonomat - 1 (jedan) izvršilac**
- 2. Viši referent za obračun – 1 (jedan) izvršilac**

OPIS POSLOVA:

Pozicija 1: Obavlja poslove nabavke materijala, inventara i opreme za potrebe Suda, izdavanje materijala; inventara i opreme po trebovanju; evidentiranje ulaza robe; izrada bordera; vrši i druge poslove nalogu pomoćnika Sektora i šefa Odsjeka.

Pozicija 2: : Priprema dokumentacije vršenja obračuna plaća i naknada bolovanja; vršenje obračuna poreza i doprinosa iz plaća; izrada odgovarajućih obrazca i dostavljanje PIO; izrada DP obrazca i dostavljanje poreskoj upravi; obračun refundacije bolovanja; obračun i uplata administrativnih zabrana na plaću; izdavanja potvrda o novčanim primanjima; obračunavanje toplog obroka; obračunavanje troškova prevoza; obavljanje gotovinskih isplata; usaglašavanje blagajne sa trezorom; plaćanje iz depozitne blagajne i vođenje blagajničkog dnevnika; vođenje evidencije oduzetih predmeta u sudskim postupcima i pohranjivanje u sef kod banke ili u kasu suda; evidencija sudskih kaucija; jemstva i isplata prema nalogu sudija, obavlja i druge poslove nalogu pomoćnika Sektora i šefa Odsjeka.

USLOVI:

Pored općih uslova propisanih članom 24. Zakona o namještenicima u organima državne službe u Federaciji Bosne i Hercegovine (da je državljanin BiH, da je punoljetan, da ima opću zdravstvenu sposobnost za obavljanje poslova radnog mjesta, da ima vrstu i stepen školske

spreme potrebne za obavljanje poslova radnog mjesta prema pravilniku o unutrašnjoj organizaciji, da u posljednje dvije godine od dana objavljivanja oglasa nije otpuštan iz organa državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini, i da nije obuhvaćen odredbom člana IX 1. Ustava Bosne i Hercegovine) kandidati trebaju ispunjavati **sljedeće posebne uslove:**

Pozicija 1; Viši referent za ekonomat: Završena gimnazija ili ekonomska škola, SSS-IV stepen, položen stručni ispit, poznavanje rada na računaru i najmanje deset mjeseci radnog staža.

Pozicija 2; Viši referent za obračun: Završena gimnazija ili ekonomska škola, SSS-IV stepen, položen stručni ispit, poznavanje rada na računaru i najmanje deset mjeseci radnog staža.

Pravo prijave na Interni oglas, u skladu sa članom 21. stav 2. Zakona o namještenicima u organima državne službe u Federaciji Bosne i Hercegovine („Službene novine FBiH“ broj: 49/05 i 103/21), imaju namještenici iz organa državne službe svih nivoa vlasti u Federaciji Bosne i Hercegovine.

Uz potpisanu prijavu sa kratkom biografijom i osnovnim podacima, u kojoj je obavezno navesti radno mjesto na koje se prijavljujete, u originalu ili ovjerenoj kopiji ne starijoj od 6 mjeseci potrebno je priložiti:

- Diplomu o završenoj školi,
- Uvjerenje o državljanstvu (ne starije od šest mjeseci),
- Izvod iz matične knjige rođenih
- Uvjerenje ili potvrda o radnom stažu
- Uvjerenje o poznavanju rada na računaru
- Uvjerenje o položenom stručnom ispitu
- Dokaz (uvjerenje ili potvrda) da je kandidat u radnom odnosu na poslovima namještenika u organu državne službe na bilo kojem nivou vlasti u Federaciji Bosne i Hercegovine,
- Ovjerenu izjavu kandidata da u posljednje dvije godine od dana objavljivanja internog oglasa nije otpušten iz državne službe kao rezultat disciplinske kazne na bilo kojem nivou vlasti u Federaciji, odnosno Bosni i Hercegovini,
- Ovjerenu izjavu kandidata da nije obuhvaćen odredbom člana IX 1. Ustava Bosne i Hercegovine.

Interni oglas ostaje otvoren 10 dana od dana objavljivanja.

Prijave slati na adresu:

Kantonalni sud u Sarajevu,
Ulica Šenoina broj 1,
71 000 Sarajevo

Kandidati su na koverti obavezni napisati ime i prezime sa adresom i naznakom

"Prijava na interni oglas za radno mjesto (navesti naziv radnog mjesta) broj: 009-0-SU-22-000756"

Nepotpune i neblagovremene prijave neće se uzeti u razmatranje.

Izabrani kandidati će dostaviti uvjerenje o općoj zdravstvenoj sposobnosti za obavljanje poslova radnog mjesta na koje je primljen.

PREDSJEDNIK SUDA
Vladimir Špoljarić

